

DISPVTATIONVM PHYSIOLOGICARVM

QVA

THESES DE VISV



P R A E S I D E

VIRO EXCELLENTISSIMO, EXPERIENTISSIMO,
DOCTISSIMO,

IOANNE PETRO EBERHARDO,

MEDICINAE AC PHILOSOPHIAE DOCTORE,
HVIVSQVE PROFESSORE PUBLICO EXTRAORDINARIO,
ACADEMIAE IMPERIALIS NATVRAE CVRIO-
SORVM SODALI,

D. XIII. IVL. CICCLIV.

IN AUDITORIO MAIORI

H. I-III. POMER.

P V B L I C E D E F E N D E T

AVCTOR RESPONSVRVS

CAROLVS GVILIELMVS SCHVLTZ,


PERLEBERGENSIS,

MEDICINAE CANDIDATVS.



HALAE MAGDEBURGICAE,

PRELO IO. CHRISTIANI HENDELII, ACAD. TYPOGR.





§. I.

Facultas res extra nos existentes sentiendi dicuntur *Sensus*.

§. II.

Sensus vel statum animae, vel corporis repraesentant. Si prius dicitur *sensus internus*, si posterius *externus*.

§. III.

Cum obiecta admodum inter se diuersa sint, patet diuersa quoque requiri organa sensoria, mediantibus quibus sensus absoluuntur.

§. IV.

Sic *gustus* organon est lingua, *olfactus* nares, *auditus* aures, *visus* oculi, *tactus* papillulae nerueae cutis.

§. V.

Ad sensus externos, quinque referuntur, nempe *gustus*, *olfactus*, *auditus*, *visus*, *tactus*.

Coroll. Nonnullis placuit nouum seu sextum addere sensum nempe *venereum*; a) aliis, ut *SYLVIO* sensum *caloris* & *frigoris*; aliis sensum *famis* & *sitis*. Sed cum sensus tactus ab omnibus pro vniuersali declaretur, commode omnes huius sensui tactus adnumerari possunt.

a) vid. *SCALIGERI* exerc. 286. t. 3. qui affirmat, quod titillantissima voluptas venerea sextus quidam sit sensus.

§. VI.

Sensus externi statum corporis repraesentant. §. II. Hinc semper aliquid actuale: & quilibet sensus instructus sit oportet suo organo peculiari. Patet hinc non dari fallaciam sensuum.

BAYMAGARTENII Metaphysica §. 545-546.

§. VII.

Cum ad sensus organa requirantur, §. III. patet, positis organis in corpore viuo & sano sensus dari.

Disputationum physiologicarum secunda

Coroll. Hinc brutis organis sensoriis praeditis, sensus minime denegare possumus.

§. VIII.

Cum ad sensus organa requirantur §. III; pater, deficientibus organis sensus non dari.

Coroll. Hinc entibus in regno vegetabili & minerali existentibus sensus adscribere, ut nonnullis placuit, absurdum est.

§. IX.

Si sentimus obiecta, quaedam in organa sensoria agunt. Actio vero in corpus cum motu est coniuncta (p. princ. Physica). Hinc vel corpora extra nos in organa sensoria agentia moueri debent, vel ipsa organa sensoria.

Schol. Virtusque exemplum praebet actio luminis in retinam, & actio manus in clavum aliquem infixum.

§. X.

Obiecta quae in nos agere debent, corpora sunt §. IX. hinc ut extra nos existant necesse est.

Coroll. Hinc semper corpora adesse debent, si sensatio in nobis producitur. Absentibus vero corporibus nulla datur actio in corpus; hinc nullus motus, qui tamen ad sensus producendos requiritur. Hinc nullus sensus.

§. XI.

Haec tenus de sensibus in genere: nunc sensum omnium externorum nobilissimum, quem *Visum* salutare sollemus, paulo accuratius delineare nobis placet. Definio itaque *Visum* per sensum externum §. V. quo res visibles extra nos existentes, mediante lumine per oculos sentiuntur. §. I.

§. XII.

Cum oculi visus sint organon §. IV. pater, si actionem, qua absoluitur visus rite intelligere cupiamus, oculorum structuram praemittendam esse.

§. XIII.

§. XIII.

Partes oculos constituentes sunt vel *externae*, vel *internae*.

§. XIV.

Ad partes *externas* pertinent:

- a) *Ossa oculi theca*, ex concursu variorum ossium composta. a)
- b) *Supercilia & palpebrarum cilia*, quae in fine frontis & palpebrarum conspicuntur.
- c) *Palpebrae oculos claudentes*, quarum in singulo oculo duae reperiuntur, una inferior, altera superior appellatur.
- d) *Oculorum canthi*, qui ex concursu palpebrarum oriuntur.
- e) *Musculi oculos mouentes*, quorum IV recti. e. gr. Superbus, humilis, indignabundus, bibitorius, & II. obliqui, amatorii dicti, dantur.
- f) *Glandulae conglomeratae*, quae oculos humectant & lacrymas fundunt.
- g) *Tarsus & Sphincter palpebrae*.
- a) ALBINVS de ossibus corporis humani §. 97. Celeberr. HESTERI Compend. Anatomic. §. 89-90. p. 29.

§. XV.

Ad *internas* vel *proprias* pertinet *Bulbus* siue *oculus* ipse, qui est organon corporis visibilia repraesentans, & ex tunicis sex, humoribus duobus, lente una, vasisque variis constans.

§. XVI.

Tunicae oculum constituentes sunt sex, quarum *prima* dicitur *albuginea*, adnata, siue coniunctiva, a periosteo orbitae oculi, vel ut alii malunt, ab interna palpebrarum tunica orta, & album oculi constituens, anteriori parte haerens, oculum orbitae & palpebris iungit, vasisque copiosis est repleta.

vid. Perillusfr. de HALLER Comment. in Boerhaavii Praelect.

Disputationum physiologicarum secunda

§. XVII.

Secunda est Cornea, quae est tunica externa anterior pellucida, magis eleuata, figura sphaerica, scleroticae pars, & oculi partem anteriorem cum sclerotica iungens.

§. XVIII.

Tertia est Sclerotica, quae est tunica externa posterior, magis opaca, crassa, valde firma, a dura matre orta, totum oculum ambiens, a cornea ad neruum opticum extensa, maioris sphaerae segmentum, quam cornea, cum qua oculi partem posteriorem connectit, eiusque figuram pariter ac in situ suo singulas partes conseruat.

§. XIX.

Quarta est Choroidea, quae est tunica interna posterior tenuis, mollis a continuatione piae matris orta, neruum opticum inuoluens & subtilissimis vasculis sanguiferis instructa, scleroticae ope cellulosae fabricae contigua, adeoque eandem cum ipsa figuram, superficiem vero concavam politam habens, suaque nigredine oculum opacans, humores oculi amplectens & diuersis ex lamellis constans.

RUY SCH. Epist. Anat. XIII. Tab. XVI. ei. Thes. Anat. II. Tab. I.

Fig. 6.

§. XX.

Quinta est Vaea, quae est tunica interna anterior a choroidea per ligamentum ciliare distincta, ex variis vasibus sanguiferis composita, multifariam colorata, conuexa, corneae substrata, figuram annuli vel zonae habens, intus aspera & nigra, foris laevis, radios luminis ad visionem necessarios in interiore oculi concamerationem intromittens, superfluos vero arcens.

§. XXI.

Pars Vaeae annularis, pupillae foramen cingens,
per

per corneam transparens, coloris diuerfi, *Iris* dicitur.

§. XXII.

Foramen rotundum tunicae vueae instar circuli nigricantis in oculo conspicuum, & motu mox constrictorio, mox dilatatorio aditum radiis in oculi interiora concedens, dicitur *Pupilla*.

§. XXIII.

Cum pupillae foramen dilatari & constringi possit §. XXII, aliquid adesse debet, quod huius motus rationem sufficientem in se continet. Id praefstant fibrae musculares, in vuea existentes, longitudinales & circulares dictae. Si priores abbreviantur, pupilla dilatarur, si posteriores contrahuntur, pupilla constringitur.

Schol. Anatomicorum controversiam de praesentia fibrarum orbicularium hic nostram non facimus. Adesse afferunt WINSLOVIVS, ILLUSTR. HESTERVS, & duas saltem fibras RUY SCHIVS. In brutis certe adsunt. In homine adesse negant MORGAGNVS & Perilliustr. de HALLER.

§. XXIV.

Sexta est *Retina*, quae est tunica intima, choroideae contigua, tenerrima, mucosa, neruosa, in fundo oculi sita, alba, cum portione fibrillarum interiori nerui optici fortiter connexa, imo puluae nerueae pars, & visus prima-ria sedes.

§. XXV.

Humores oculum constituentes, obseruantur duo pellucidi §. XV. quorum *primus aqueus*, siue albugineus salutatur, qui non modo anterius oculi spatium inter corneam & vueam replet, sed & posterius intra vueam & lentem crystallinam, instar aquae fluidus.

§. XXVI.

Disputationum physiologicarum secunda

§. XXVI.

Alter humor dicitur *Vitreus*, in posteriori oculi cavitate situs, eamque occupans, posteriore sui parte retinae tunicae vbiique contiguus, eamque expandens, vitro fuso diaphano similis, ex vasculis subtilissimis lymphaticis humore aquo pellucido repletis, & cellulosa pellucida fabrica constans, molioris consistentiae, pellicula tenui pellucida vestitus.

vid. MORGAGN. *Aduers. VI.* p. 106. Illustr. BÜCHNERI fundam. *Physiologiae Hoffmannianaæ* p. 195. §. 9.

§. XXVII.

Lens crystallina est corpus solidum ex tubulis lymphaticis & lamellis pellucidis, sibi inuicem incumbentibus compositum, pellucido liquore in vasis lymphaticis & in spatio inter lamellas repletum, lenticularis figuræ, inaequaliter conuexum, pellicula tenui arachnoidea dicta cinctum.

§. XXVIII.

Nervi oculum constituentes e cerebro oriuntur, & sunt horum tria paria.

- a) Par IIidum opticum dictum, bulbum oculi inter eiusdem axin & nasum ingreditur, & retinam oculi efformat, paucosque ramulos dat glandulae innominatae, aliisque vicinis partibus.
- b) Par IIItium oculorum motorium dictum, prope orbitam in sex ramifications distribuitur. vid. HEISTER. *Comp. Anatom.* p. 162. §. 299.
- c) Par Patheticum per musculum oculi trochlearem sese explicat.

§. XXIX.

Vasa sanguifera oculum perreptantia, oriuntur ex arteriis Carotidibus internis & externis, quae in ultimis canali-

canaliculis lympham pro oculorum nutritione tenuissimam ad vehunt, superfluus vero sanguis per venas ad sinus durae matris & venas iugulares reuehitur.

§. XXX.

Explicatis oculorum tunicis & humoribus, nihil restat, quam ut modum quo visus fit, paulo accuratius explicemus. Pauca quaedam ex Mathesi & Physica nobis erunt praemittenda.

§. XXXI.

Ad visum Lux requiritur.

§. XXXII.

Lux est id, quod corpora circumiecta visibilia efficit.
Per illustr. L. B. de WOLFF *Elem. Matthes.* Tom. III. p. 5. §. 4.

§. XXXIII.

Radius est lumen a puncto radiante per medium non resistens protensum. ei. Tom. III. p. 5. §. 6.

§. XXXIV.

Reflexio luminis est propagatio in partes anteriores corporis opaci, in quod incidit, ob eius resistentiam.

ei. Tom. III. p. 8. §. 38.

§. XXXV.

Refractio luminis est deuiatio in linea per quam propagari debebat, ob diuersam medii densitatem.

ei. Tom. III. p. 8. §. 39.

§. XXXVI.

Si per exiguum foramen lumen in cameram obscuram intromittitur, lucida linea recta comparebit. Hinc radios luminis per lineas rectas determinare licet. Hinc nullum obiecti punctum videbitur, nisi quod pupillae in directum iacet.

ei. Tom. III. p. 9. §. 45-47.

10 · *Disputationum physiologicarum secunda*

§. XXXVII.

Quodlibet obiecti punctum videtur omnibus in locis, ad quae ex eo linea recta duci potest.

Per illustr. L. B. de WOLFF *Elem. Mathes.* Tom. III. p. 10. §. 58.

§. XXXVIII.

Quocunque in loco radii ex omnibus cuiusuis obiecti punctis fluentes, in totidem alia puncta, postquam reflexione aut refractione coacti fuerint, iterum conueniunt; eo in loco imaginem istius obiecti, super quo quis corpore albo, in quod inciderint, depingent.

vid. Celeb. NEWTONI Optice Ax. VII. p. 9. edit. Genev.

§. XXXIX.

Quo maioris sphaerae segmentum est lens pellucida, eo remotior est a superficie locus imaginis, quo minoris, eo propior. Quo proprius obiectum est lenti, eo remotior imaginis locus a lente, quo remotius eo propior.

§. XL.

Radii conuergentes lente vitrea excepti, eo citius post lentem coeunt & locum imaginis habent propiorem lentis, quo magis fuere conuergentes, eo remotionem vero quo minus.

§. XLI.

Radii luminis ex obiecti punctis fluentes, secundum legem refractionis in superficie cornea exteriore ad perpendicularum refringuntur. Hanc directionem seruant per humor aqueum, usque dum crystallinam lentem contingant. Si ex aquo in crystallinum transeunt, denuo franguntur ad perpendicularum, magisque conuergentes redduntur, dein radii in foco quasi uniti, obiecti imaginem in tunica retina depingunt §. XXXVIII. Has imagines

nes sentit anima, per neruum opticum in cerebrum motu continuato, & sic sensatio Visus efficitur.

§. XLII.

Cum figura corneae in variis subiectis varia sit (per exper.): cum obiecta quoque visibilia varia saepe ab oculo gaudeant distantia, locus quoque imaginis variabit.
§. XXXIX. XL. Hic vero in retina esse debet, si distincta fieri debeat sensatio (§. ant.): hinc distantia lentis a retina variare debet. Moueri itaque debet vel retina, vel lens crystallina. Iam cum retina moueri nequeat, ut pote subtilissima ac plante mucosa membrana §. XXIV, necesse est, ut lens moueatur.

§. XLIII.

Motus lentis dupli modo obtinetur 1) Incumbunt nempe ductus ciliares, lensem ambeantes, vitreo humori, quem contractione sua premunt. Hic in peripheria compressus in medio eleuatur, & sic lensem a retina dedit. Qua actione cessante, reddit vitreus humor ad pristinam figuram, & lens sic proprius ad retinam reuertitur. 2) Omnes musculi recti oculum mouentes, si simul agant, compriment oculi bulbum, breuiorem reddunt, & sic lensem proprius ad retinam adducunt. Obliqui vero musculi simul agentes, & oculum superne & inferne comprimentes, eundem longiorem reddere, hinc distantium lentis a retina augere videntur.

§. XLIV.

Cum obiectorum remotorum imago, proprius absit a lente §. XXXIX, oportet, ut lens sub distincta eorundem visione, ope ductuum ciliarium & muscularum (§. antec.) proprius ad retinam accedat. Quod si fieri nequeat, obiecta quoque distincte videri non poterunt, nisi vel proprius

12 *Disputat. physiologicarum secunda cet.*

ad oculum accesserint, vel imago eorundem ope vitri concaui longius a lente remoueatur.

§. XLV.

Cum porro propinquorum obiectorum imago recedat a lente longius (§. XXXIX.), recedere haec debet a retina, si imago retinam attingere debeat. Quodsi fieri nequeat, vel magis remouenda sunt obiecta ab oculo, vel ope vitri conuexi proprius ad lentem reducendus locus imaginis.

§. XLVI.

Qui remota distincte vident, non vero propinqua *presbytae* dicuntur, qui propinqua recte distinguunt non vero remota, *myopes* audiunt.

§. XLVII.

Patet ergo: 1) In presbytis vel nimis planam esse corneae superficiem, h. e. eam esse maioris sphaerae segmentum (§. XL.), vel 2) lentem nimis propinquam esse retinae minusque mobilem (§. XLV.).

§. XLVIII.

Myopes contra vel 1) nimis convexam habere corneam, seu eam esse minoris sphaerae segmentum: (§. XXXIX.) vel 2) lentem nimis esse a retina remotam (§. XLIV.).

§. XLIX.

Et haec sunt primaria visus fundamenta, e quibus reliqua phaenomena deduci facile possunt, quae vero hic demonstrare instituti ratio vetat. Plura vide in notis Excell. PRAESIDIS ad *Boerhaavii Physiologiam* edit. vernaculae p. 830. seqq. Haec iam carptim strictimque disputasse sufficiat.

PRAENOBILISSIMO DOCTISSIMO QVE
CANDIDATO RESPONDENTI

S. P. D.

P R A E S E S.

Reddo tibi, quam mihi perlegendam tradidisti dissertationem, plane TVAM, cuius elaboratio demonstrat utique non mediocriter TE esse versatum, non in Medicina modo, sed & in Matthesi & Physica. Sunt haec sane duo veluti artis salutaris fulcra, quae non ut rerum harum ignari cavillantur, ad inanes speculationes deducunt, sed solidae mechanismi corporis cognitioni, viam veluti sternunt, & ad intima deducunt naturae penetralia. Habeo itaque quod TIBI gratuler de doctrina quam TIBI acquisuisti solida, quae spem nobis dat, utilissimum TE aliquando futurum patriae TVAE, totique orbi litterato. Et hoc eo certius auguror, quo certius noui, diligentissimum TE fuisse in acquirenda cognitione artis salutaris penitiore. Interfuisti praelectionibus Medicis, Illustris & Celeberrimi BÜCHNERI nostri, Excellentissimorum BÖHMERI & STRVMPFFII, nec non meis Mathematicis, Physicis, Physiologicis, Formulari Medico, & priuatissimis Medicis, eo ardore eaque diligentia, ut fausta ac praeclara quaevis de TE semper expectarent boni omnes. Perge sic amicissime SCHVITZI! in incoepio tramite, & praemia diligentiae certe assequeris. Vale. Dab. in Reg. Frid. d. XII. Iul. MDCCCLIV.

Incl-

Inclita signa dabus certae praenuncia laudis,
Ingenioque vales **DULCIS AMICE** graui.
Gaudentis magnam penitus spem *Patris* adimples,
Spes patriae constans, arte per amplius eris.
Iam vigetas florens, sint praemia digna laboris,
Sitque salus viuax, sit rata fama **TIBI.**

His paucis *Amico suo dilectissimo, Respondenti ornatissimo* specimen eruditio*nis egregium gratulatur*

Opponens

CHRIST. GOTTL. LIEBERKÜHN,

Potsdamiensis, M.C.

Societat. Teutonic. lenensis Sodalis.

Consequenter cernit *Honus, AMICE,*
TE Mineruam; mox properat decoris
Praemiis ornare tvos labores.

Inuida turba
Dentibus frendet, minuens honores
Frustra. Ouans ergo **TIBI**, iam **PARENTI**
Filium grator, **Senii** leuamen,
Et decus ingens.

IOANNES BAVMANN,

Megapolitanus Opponens.

